

永樂大典

卷二九六三 宋字

卷二九六四 宋字

卷二九六五 宋字

卷二九六六 宋字

卷二九六七 宋字

卷二九六八 宋字

永樂大典卷之一萬二千九百六十三

一送

宋 寧宗八

兩朝綱目備要寧宗嘉定四年辛未春正月己丑叙州蠻攻陷書嘉納之湖夷都蠻攻嘉定府捷為縣之利店寨陷之馬湖蠻者西蠻昆明之別種也其地在梁為南寧州承聖中刺史徐文盛召去有蠻殫者遂據其地于孫相傳後分為東西馬西蠻之地在唐為殷訓驍浪四州其酋姓董氏隸戎州都督府國朝開寶中德化將軍董春惜貢馬詔書嘉納之太平興國始市馬其後又以木板來售蓋夷界多巨木遣民嗜利者齎糧深入馬之膚鋸官禁雖嚴而不能止也板之大者徑六七人厚尺許言為舟航樓觀之用則可長三數丈蠻自載至叙州之江口與人互市太守高揮始置場征之謂之抽收場至今不廢也馬湖之地東南接石門亦叙州界水蠻西南接沙溪虛恨嘉定府界水蠻及黎雅諸蠻與吐蕃之境而北接叙州之南州寨宣化縣西接嘉定之賴因沐川建昌管下三寨石西北接叙州之宜賓凡蠻之地仰給者七村曰胡塗或曰會延曰黎溪或曰泥溪曰平夷

曰都夷。曰什葛。曰蒲潤。或曰普潤。曰麓桃。此七村多沃壤。宜耕稼。其民被
德。推髻。而比屋皆无屋如華人之居。飲食種藝。多與華同。惟胡益黎溪平
夷三村。內輸漢蠻之稅。謂之兩屬稅戶。自叙州沿流十里至馬湖江口。又
西。沂七十里至安遠寨。又水陸行三百二十里至夷都村。又水陸行一百
八十三里至天池。此馬湖蠻王所居也。自夷都溪口在夷都村之南五十
里。遵陸拒利店冰川。賴因龍鳴等寨。僅二程皆平原。初賴因本夷地。景德
天聖間。屢來寇掠。治平間。把截將王文揆始據險立寨。侵略夷人山垠。名
賴因庄。夷人訴之。事聞。有旨次其地歸董蠻。既而寨民私略之。以償其侵
地。歲為納三百匹。幅廣二尺。長二丈。於是蠻人每歲至賴因。謂之索稅。其
後稅額增。寨人亦厭苦之。紹興末。虛恨蠻犯龍達寨。隆興初。夷都蠻復寇
賴因。詔用馮當可提點本路刑獄公事。以經制之。當募堡於龍達。而伐菁
於賴因。以為戰地。多儲蓄。備器械。蠻不復至。及是馬湖蠻將入寇。而夷都
上蠻先以書抵利店寨。將言之。寨將亦謂蠻人要索之。常不即發。歲除之
前夕。寨民有失牛者。夜出求之。見火滿四山。始疑寇至。乃以狀白捷為縣
未達。而蠻已大入。或曰蠻始欲寇中鎮寨。中鎮有備。不可入。聞利店稍富
實。而寨丁少。乃攻之。知寨保義郎段松忠寨丁七十餘人。遣之迎敵。或死。

或逃蠻遂圍其寨。寨地勢低。蠻人馮高投木石以擊之。衆莫能拒。又二日。蠻人以雲梯登城。松力戰十三合。無與援者。寨民驚潰。自投山水而死亡者數百人。松為蠻所執。鬻割而殺之。盡掠寨民之資。焚其居。駐老弱婦女數百人而去。松二子亦為所掠。守臣許奕子然聞變。急調兵救之。至則蠻已遁矣。既而蠻人釋所得辛胡慶者。俾持牒以歸。自稱都相公。狀中嘉州官品大略言。漢人不償稿稅之故。其後蠻人為招安。將言初以叙州負其校直。故擊之。道險不可進。欲引歸。而蠻師窮者。謂始出兵時。嘗許以生口祀神。今無所得。神且怒。由是移兵攻利店。亦莫知其情實云。初慶元末。宣化簿呂元封壽源。嘗為古戎邊志。大略謂馬湖之警。在嘉而不在叙。蓋一軍屯安邊。一軍守真溪。沙溪商州寨之間。皆宣化縣界。則馬湖不能遽踐吾境。惟賴因中鎮地平而近。且蠻以索稅為詞。往來通行於漢嘉之境。一不如意。則寇輒隨之矣。至是果如所料。甲辰。以四川鹽稅錢對減激賞。

綰一年。丙午。詔安集殘破諸州。湖南江西諸州。經賊蹂踐者。監司守臣。致縣令安集之實。第其能否以聞。二月。乙卯。誅李元礪。王簡卿時已械送元礪赴都。既被命。遂就磔于吉州。壬戌。羅世傳補寬池州副都統。許俊復言世傳生擒元礪。已給元所降賞錢二萬緡。乙巳。加轉詔授世傳武翼。

郎閤門祇候。四月丙午。賜黑風峒名勅。錫以銅印。世傳乞補文資。乃以爲通直郎。簽書鎮南軍節度判官廳公事。簡御遣吏迂之。世傳疑不出。

丙子。雲。辛巳。罷廣西諸州牛稅。閏二月丁未。大風。辛未。配賊吏。濠州推官鄭宰鍾離縣尉王御。犯賊除名刺面。配真州池州。詔格守賑恤。

令諸路帥守監司守令。格守朝廷賑恤之令。及盜發。不即捕者。重罪之。

三月。都城疫。已未。命臨安府賑給病民。賜棺錢。四月戊申。出內庫錢。瘞

疫死貧民。丙子。劉世雄伏誅。世雄爲沔州將。謀據仙人原爲亂。事覺。伏

誅。辛巳。叙州蠻犯龍鵠堡。本路帥黃疇若伯庸調移屯西兵二百戍捷

爲縣。朝廷聞之。四月。已丑。除知崇慶府。李臺李允。本路提點刑獄。是春

夏。國叛。金虜夏人始爲韃靼所攻。遣使求援。金人允濟新立。不能救。韃靼

至興靈而反。夏人恨之。金人亦爲韃靼所擾。勢益衰。夏國遂叛。改元光定。

夏。四月甲申。禁科折鹽酒。行下兩浙福建州縣。四川關外旱。已丑。詔以

吳曦沒官田租爲關外四川及旱傷。州縣代輸秋稅。禁諸軍虛數冒請。

聽自首。違者重坐之。是月。四川置安邊司。安觀文內。時爲制置大使。乃

置安邊司。以經制蠻事。俾李臺李允與許奕子然共領焉。始議猶欲招安

而蠻人坑狎終不肯出。大使司議遣兵平之。李允謂然而許成子。在瀘

南以謂曠日持久。勞師費財。不如招納之。利持論不同。由是久不決。會叙南遣吏獲夷人數十以告。鞠之。其與於利店之亂者三人焉。成子榜境上諭夷人。能以利店所掠人口來吾。即歸三人者。金帛不問也。又遣謀入夷中。謀以利害。無幾何。蠻以印狀來。願盡歸俘掠如約。安遣司閫而互招之。夷中悔。於是季允移檄。願得三狄人。成子曰。如此則吾為失信。夷禍必嫁於瀘。不許。已而大使又以為言。成子曰。吾知權利害為生靈計耳。即移書以寇事事報之。僚史或請進兵。成子折之曰。乞弟卜漏之變。瀘父老至今言之疾首。可草草耶。既又移書發樞宇文紹節曰。守邊之道。安之而已。苟圖快意。未有不敗事者。因以議不合。求罷。改知夔州。始季允聲言某日以兵出塞。蠻頗憚之。會東帥司揭榜叙州境上。大略言本司已與西路商量。決無深入之理。仰遣民安業。毋得驚擾。蠻人見之。知西路揚聲結已。益無所憚。五月戊辰。親試舉人。賜禮部奏名進士趙建大等四百六十有五。人及第出身有差。眉人史公亮。天應後李僞故事。請掛冠。詔並循從。事即致仕。仍予官封。國朝三百年。新進士即日掛冠者。惟兩蜀王昂李僞。及公亮天應四人而已。六月丁亥。余嶠使虜不至而復。時金虜為鞏輅所攻。道不通。故也。鞏輅之先。與女真同種。蓋皆鞏輅之後也。其國在元

魏齊周之時。稱勿吉。至隋稱靺鞨。地直長安東北六千里。東瀕海。離為數十部。部有黑水白山等名。白山本臣高麗。唐滅高麗。其遺人逃入渤海。惟黑水完穰及渤海靺鞨皆後屬之。後為奚契丹所攻。部族分散。其居混同江之上者曰女真。混同江即鴨綠水。乃黑水遺種。其居陰山者自號為靺鞨。唐末五代常通中國。太祖朝。各再入貢。皆取道靈武而來。及李繼遷叛。命遂絕不通。因為契丹所服役。神宗嘗欲自青唐假道以招之。然卒不能達也。靺鞨之人皆勇悍善戰。其近漢地者謂之熟靺鞨。尚能種稼。以平底瓦釜羹而食之。其遠者謂之生靺鞨。止以射獵為生。無器甲。天用骨鐵而已。蓋以地不生鐵故也。契丹雖通其和。而鐵禁甚嚴。及金人得河東。廢夾錫錢。執劉豫又廢鐵錢。由是秦晉鐵錢皆歸靺鞨。靺鞨得之遂大作軍器。而國以益疆。方金人盛時。靺鞨歲時入貢。金人置東北招討使以統隸之。衛王既立。靺鞨咸沒。真始叛。自稱成吉思。皇帝山東兩河皆為所踐。而不能有也。又有蒙國者。在女真之東北。唐謂之蒙兀。部全人謂之蒙兀。亦謂之萌骨。人不火食。夜中能視。以鮫魚皮為甲。可捍流矢。自紹興初。始叛。都元帥宗弼用兵連年。宗弼即兀朮。所謂四太子者。卒不能討。但分兵據守要害。反厚賂之。其酋亦惜稱祖元皇帝。至虜亮之時。與

韃靼並為邊患。其來久矣。蒙人既沒金國。得契丹漢兒婦女而妻之。自是生子不全類蒙人。漸有火食。至是韃靼乃自號大蒙古國。遼東因以蒙韃稱之。然二夷居東西兩方相望。凡數千里。不知何以合為一名也。蓋金國盛時。置北招討司以捍禦蒙。兀高麗西南招討司以統隸韃靼。西夏蒙兀所據。蓋兵乞買創業時。二十七國蕃。而韃靼之境。東接臨潢府。西與夏國為隣。南距靜州。北抵大人國。無城池屋宇。但為龍帳。擇便利水草而居。烏無耕織。製皮為裘。以牛羊為糧。人皆狡獪。昏瞋嗜殺。不知歲月。以草青一度為一歲。亦無文字。每調發軍馬。即結草為約。使人傳達。怠於星火。或破木為契。上刻數劃。各收其半。遇發軍。以木契合同為驗。所謂生韃靼者。又有白黑之別。今歲設其乃黑韃靼也。與白韃靼皆臣屬於金。虜每歲其王自至虜界貢馬。親行進奏。金人亦量行答賜。不使人其境也。金主璟之明昌元年。庚戌。本朝紹熙元年。白韃靼王攝叔之弟弒其兄而自立。攝叔之子白斡波。方二歲。金人取歸其國。養于黑水千戶家。泰和七年。丁卯。本朝開禧三年。春。攝叔之弟至環州進貢。金人乘其無備。醉而殺之。復立白斡波為王。遣還國。始白斡波在黑水千戶家。見其女悅之。至是欲取為妻。璟不從。白斡波怨怒。畔歸黑韃靼。以此益強。漸併諸族。地遂起。兵攻河西。不數年。河

西州郡悉為所破。又虜夏國之僞公主而去。夏人反臣事之。大安三年春。辛未。本朝嘉光四年。韃靼主武沒真入貢。金主允濟將襲之。金虜之亂。軍有詣韃靼告其事者。韃靼疑未信。言者再至。韃靼遣人伺之。得其實。遂遷延不進。是秋。韃靼始叛。辛丑。更定四川諸軍額。癸卯。廢江西牧九軍。

秋。七月。壬戌。太白晝見。八月。辛丑。雷。九月。辛酉。叙州蠻寇邊。先是。夷人以其紙作牒。遣嘉州。其語殊僞。未有故。茲詔示之語。安邊司得。募官却之。

既而。援刑司令。募官諭以先跡所掠。漢人而蠻書答云。所掠止是婦女三十餘人。近悉有娠。須產畢。乃可送。其侮慢如此。至是。夷人又犯叙州。至宣化之二十里。李臺怒。守臣史師道。應報安邊司。文書稽緩。而計戍子稍茫之。史本大使所薦。至是。劾之。竊二秩罷歸。乙亥。羅世傳為其黨所殺。其徒胡有功。殺之以降。詔以世傳。祠命授之。黑風峒為盜。凡三年。聲極英蜀。至是。就擒。人皆相慶焉。冬。十月。己卯。朔。更定玉牒凡例。七年。五月。詔降上牒官。二年。一具草以進。甲辰。申儆邊備。以金虜為韃靼所攻。命江淮京湖四川制置司。謹邊備。十一月。己酉。朔。日有食之。癸丑。賞平峒寇功。甲戌。申嚴諸軍陞差制。十二月。癸未。體訪會子價。以會子折閱不行。遣官體訪江浙諸州。紹興初。東南餉軍止。月見塔。是時虜偽橫橫。寇

盜充斥。軍費夥矣。然未聞有錢之患。自紹興末年錢良臣初行在會子
于時王珪亦用之於湖北諸州。今未六十年。而公私之見錢存者至少。蓋
諸泰盛行。而銅貨積而不用。是以日泄而日耗也。論其舊端。自錢王兩人
始。至于曾懷沮孝宗收換之策。以貽後來不可救之患。尤可歎也。宋史

全文講義曰。愚讀史記商君列傳。見其變法易令。必立賞徙木以示信於
民。喟然歎曰。信之為用大矣。商君刻薄。固不足道。然猶知信之不可廢。况
堂堂大國乎。且自中興用楮以來。幾年為界。界滿則易。法之常也。自權臣
用兵。楮之造印日多。而楮之折閱日甚。上之人急於秤提之故。當舊楮之
界未滿。而新楮之出已頗。豪商巨賈。囊篋舊藏。一旦廢棄。盡為無用之物。
國失大信。人啓疑心。何怪其畏避而不敢收蓄哉。所以新楮頒行之後。市
井不通。反以彌甚。小民替替。操楮四走。無所易者。卒而得售。不啻如有意
外之獲。推尋其源。皆由上失信而下生疑耳。雖復今日遣體訪之使。明日
罪不收之案。豈不均為紛紛歟。是月竄張鑑。坐扇搖國本。除名。泉州竊
管。真德秀輪對。德秀為著作佐郎。因輪對論災異曰。臣聞知父母之心
者。可以知天心。知人君之道者。可以知天道。蓋父母之於子也。鞠育而遂
字之。仁也。鞭扑而教戒之。亦仁也。君之於臣也。爵賞以褒勸之。仁也。刑罰

以聲厲之亦仁也。天佑民而作之君其愛之深望之切無異親之於子君之於臣也。故君德無愧則天為之喜而祥瑞生焉。君德有闕則天示之譴而災異形焉。災祥雖殊所以勉其為善一也。天之愛君如此為人君者其可不以天之心為心乎。臣伏觀近歲以來旱蝗頻仍饑饉相踵陛下嚴恭寅畏不敢荒寧夏閔元元形於玉色上天降虜遂以有年亦足以觀感格之效至而北者乾度告愆星文示異。迺疊見於清臺之奏謂陛下躬行之未至與。則豐禳之應若何而致之。謂陛下躬行之已至與則象緯之災又何為而數見也。天道幽遠人所難知臣切思之意者皇天佑宋之心欲陛下不以積年之憂為易忘而以目前之喜為僅足其愛之深望之切為何如。都大宮庭屋漏之遠起居動作之微一念方萌天已洞見陛下誠能守兢業之志防慢易之私尊尊履行履省毋怠則將不待善言之臣而有退舍之感矣。况今年雖告稔民食僅充然荐饑之餘公私亦立如人久疾甫獲瘳而血氣未平筋骨猶懣藥敗扶傷正須加意朝廷之上未可遽忘矜恤之念也。恭聞問者內庭屢載熙事固足以見陛下畏天之誠然而脩德行政者本也。檜禳祈請者末也。舉其末而遺其本恐終不足以格天矧今冬令已深將雪復止和氣尚霽嘉應未臻此漢人所謂天有愛結未解民

有怨望未塞者也。臣愚不佞伏望陛下體天寬仁愛之意。思星文變動之跡。延訪近臣。勤求闕失。推行惠政。以活斯民。則懸嘆銷於下。而休證格於上矣。

嘉定五年壬申春正月己巳。詔諸路通行兩浙倍役法者為令。壬申賜

李好義謚曰忠壯。旌誅吳曦之功也。二月壬午。罷借補官。去七月。詔

軍興以來。爵賞冒濫者。聽自陳除其罪。至是復詔罷兩在軍興以來借補

官。三月庚戌。叙州蠻首米在降。先是二月有詔成都府路帥臣兼領兵

甲事。至是大使司知蠻不可致。遣興元後軍統領劉雄等二人將西兵千

人。自嘉叙二州分道並進。又遣新本路提刑司檢法官安伯恕往叙州節

制之。伯恕廣安人。故同知樞密院簿之四世孫。嘉定初。宣撫司下總領所

書填迪功郎告予之。調綿谷尉。又鎮廳請文解。又試中大法。又為銓試第

一名。辟提刑司檢法兼制置大使司屬官。是年三月。官軍入蠻境。方接戰

土丁斷小首之首蠻人驚潰。官軍小捷。其酋米在據羊山江之水。固堅不

肯降。因在峻灘之中。水淺舟不可行。壽深人不可涉。大使聞之。移書李臺

曰。但聲言伐木造舟攻其水。固則米在自降矣。臺從之。米在果請降。然不

肯受盟。遣吏遺土丁十餘人入蠻為質。米在乃令其徒數十詣寨納降。安

邊司盡以十二年稅稿與之。求在。以鹽馬為辭。終不出。是役也。所掠邊民數百人。得還者十三人而已。捷奏上。大使安丙轉三官為通奉。大黃疇若轉一官。李臺進直學士。閻伯恕特改次等京官。餘人並進一官。議者疑入粟改官。非舊典。大司乃奏言。伯恕之出。有蠻九百餘人。議軍前投降。又言其始以獻策復關。表四郡。便宜補官。乞依任子例。特與改秩。乃除大理評事。命下。伯恕已赴類省試。合格矣。或曰。所謂投降九百人者。本吾邊民。皆為人傭耕。方官軍之出也。招安將諭之曰。剗刺且來。汝曹當詣馬前。聲喏。邊民從之。招安將謂眾曰。此降羌也。即以三百人送長寧軍。巡檢官養濟復又以三百人益之。巡檢者。每人日飯一盞米。既又不能賙。率多餓死。餘四百人。蓋莫知所終。邊上舊有平戍莊地。極膏腴。久為勢家所據。李臺以錢二萬七千贖市之。收其田畝。迫四百家以為土丁。因食其地。至今不廢。田租二千七百石。每七石贖一丁。久雨。戍營詔大理三街臨安府及兩浙州縣決條田。丙子。申嚴捕盜改官法。五月。庚午。詔通判令丞主坑冶。諸路坑冶州以通判縣以令丞主之。癸酉。安南國王李龍翰卒。子吳昂嗣之。十月。遣使弔祭。詔州縣見役人毋納免役錢。役滿復輸。六月。乙酉。禁銅錢過江。秋七月。庚申。賞降叙州蠻功。詳見三月。庚戌下。

戊辰雷雨毀太廟屋。避殿戒膳。八月。命左右置進狀籍察前所之寬狹者罪之。真德秀以軍器少監陞權直學士院。因輪對上奏曰。此者恭觀御筆。以太廟因雷雨之後。鴟吻損動。明詔有司。避殿戒膳。有以見陛下黃畏祗懼之心。然臣博觀六經載籍之傳。下及秦漢以來。史傳所志。自非甚無道之世。未聞震霆之警。及於宗廟者。嘗之展氏。人臣耳。已卯之異。春秋猶謹書之。蓋震霆者。上天至怒之威。宗廟者。國家至嚴之地。以至怒之威。而加諸至嚴之地。其為可畏也明矣。古先哲王。遇非常之變異。則必應之以非常之德政。未嘗僅舉故事而已。今自避正朝損常膳之外。或無聞焉。或者固已妄議陛下務為應天之文。而不究其實矣。况禮文所在。又有可議者乎。且震霆之作。孟秋之癸丑也。越旬有四日。而恐懼修省之詔始頒。避殿戒膳之舉。孟秋之丁卯也。甫二日。群臣祈請之章已上。夫以蹈故備常之文。非甚難舉者。然猶歷旬浹而後行。尚信宿而遽已。何自責之約而自恕之多乎。陛下節儉之誠。出於天性。其在平日。尚不以平宮菲食為難。况於畏威省咎之餘。少舒徐之。何所不可。而匆匆若是。借曰禮文之末。非所以格天然文之存。實則何有。今也誠意弗加。動皆勉強。苟塞已責。徒揜外觀。以此動人。猶且不可。而况於天乎。迺著孟秋之朔。流星示異。其占為

兵憂而上下恬然。若不之聞。故相郅才九日。而震寔之變作。夫示之以星
象之飛流。亦云切矣。而陛下不知戒。於是警之以震寔。又加切焉。天於我
國家欲扶持而全安之。其心至渥也。書曰。惟先格王。正厥事。臣願陛下
內揆之於一身。外察諸庶政。勉進君德。毋以泰安養逸為心。博通下情。深
求致異。召和之。本庶幾善祥。日應答證。日消。惟天惟祖宗。所以望陛下者
寔在於此。臣不勝愛君勤奉之心。九月丙午。太白晝見。已酉續編中
興禮書成。有司上進。庚戌遵義寨夷楊煥來獻馬。辛未罷沿海諸州
船錢。是月四川復推石脚井鹽。在夔州者謂之山門井。先是總所已行
棧開。至是夔州之民有犯法私煉者。州既抵罪。制置大使司聞之。即遣新
夔州路兵馬都監楊仲瑞往山門措置。自後月得小鹽萬五千斤。皆不用
引鈔。徑行發賣。歲貢息錢萬九千二百緡。然鹽既苦惡。不可食。率以抑售。
土居之人盜煎私販者。因亦肆行。官不敢問。議者謂元豐立法者。未知政
事。蔡確也。崇寧禁止者。右僕射蔡京也。財用雖乏。可以大使司而為京確
所不為乎。夫之矣。七年。大使司結局十一月罷。所開鹽井。冬十月辛巳
詔舉將帥。詔諸路總領官。歲舉可為將帥者二三人。安撫提刑。舉可備將
材者二人。癸巳集議。釐正光宗配饗功臣。詔侍從臺諫兩省集議。語見

嘉泰元年正月庚午丁巳戌戌雷十一月壬戌日南至祀天地于圜丘
赦天下十二月乙丑再蠲濠州稅一十壬午蠲橫增稅額詔諸路轉

運司參攷州縣新舊稅籍蠲其積欠之數是冬王釜請收充舊會茶馬
湖廣總領請以度牒茶引兩色收充第五界舊會每度牒一道價千五百
緡又貼搭茶引一千五百緡方許收買仍限一月然京湖二十一州相去
遙遠而止置三場收充小民間知後時人情洶洶市皆局肆悲嗟益路劉
光祖為制置使以爲不便會總所以第六界新會五萬緡令江陵軍民之
充會者以舊楮二而易其一光祖復出府庫之藏聽軍民以一楮半而易
其一又于朝得新楮十萬緡蜀中收充舊會凡用坐庫黃金二萬兩白金
九十七萬兩故能收千六百七十萬緡而民不甚病湖廣則無之此其所
以用茶引也

嘉定六年春正月庚申宇文紹節薨詔舉才侍從臺諫兩省官紳

守監司各舉一二人二月丁丑太白晝見丙戌吏部條法總類成有
司上進丁亥雪乙未詔宗室母與胥吏通姻者爲今三月癸亥樓

鑰罷夏四月丙子章良能參知政事甲午復法科試經義仍今雜流
進納人毋得試五月不雨丁卯今大理三街臨安府釋係囚丁卯措

置四川支移錢物。命四川諸州措置。上于尚書省。戊辰修寬恤詔令。自慶元六年以來者。六月乙亥詔比較諸州未決訟。詔刑部裁終。上于尚

書省。擇其最久者罪之。

丁丑董居誼使虜不至而復。以金虜國亂政。

丁亥復贓否法。復監司贓否守令及監司郡守舉廉吏所知法。丙申詔

舉將帥。三衙江上諸軍主帥各舉堪為將帥者二三人。

秋八月己巳朔

詔舉所部官吏。諸路監司帥臣各舉才行卓絕績用彰著者。庚午田宗

範謀作亂。平之。宗範知忠州。謀作亂。夔州路安撫司遣兵討平之。是月

金虜弒其主允濟。豐王珣立。珣者金主雅之孫太子允恭之長子也。金國

自完顏曼建國稱帝至今主珣凡五世八君而始衰。金國者在契丹之東

北長白山之下。鴨綠水之源。蓋古肅慎氏之地也。其國在漢稱挹婁。南北

之間稱勿吉。隋唐稱靺鞨。至五代始稱女真。祖宗時嘗通中國。後臣屬于

遼。完顏之始祖稍蒲者新羅人。自新羅奔女真。女真諸酋推為首領。七傳

至是而始大。所謂阿骨打也。建中靖國元年。遼主天祚立。淫虐不道。阿骨

打叛之。北和四年八月。用兵連年。奪遼地太半。重和元年八月。阿骨打始

稱帝。以其水生金。故號大金。改元天輔。歲次戊戌。蔡京童貫聞之。募人泛

海往伐。約夾攻遼人。以燕地歸我。宣和四年冬。童貫伐燕。為遼人所敗。其